



# NTŠHA SA MAFAHLENG A GAGO

## Molaokakanywa wa Kabo ya Matlotlo [B4 – 2026] Ditšhišinyo le Ditheetšo tša Setšhaba

Komiti yeo e Hlaotšwego ya Kabo ya Matlotlo (Lekgotla la Bosetšhaba la Diprofense) e laetša batšeakarolo le batho bao ba nago le kgahlego gore ba romele ditšhišinyo tša go ngwalwa le/goba go tlo bolela ka molomo wa go ja bogobe ka *Molaokakanywa wa Kabo ya Matlotlo [B4 – 2026]*. Molaokakanywa o adilwe ke Tona ya Ditšhelete gammogo le Kabotekanyetšo ya Bosetšhaba ya 2026 ka la 25 Febereware 2026. Molao wa Melaokakanywa ya Ditšhelete le Merero ya go Sepelelana le Yona, wa No 13 wa 2018, o nyaka gore Palamente e sepetše ditheetšo tša setšhaba le go bega ka Melaokakanywa ka moka.

Molaokakanywa o nyaka go abaganya tšhelete go tšwa go Sekhwama sa Matlotlo a Bosetšhaba go phethagatša dinyakwa tša Mmušo ngwageng wa ditšhelete wa 2026/27; go hlatholla mabaka ao tšhelete e ka šomišwago ka gona ngwageng wa ditšhelete wa 2027/28 pele ga ge Molao wa Kabo ya Matlotlo wa 2027/28 o thoma go šoma; le go swaragana le merero ya go amana le yona.

Letšatši la mafelelo la go romela ditšhišinyo tša go ngwalwa goba go laetša maikemišetšo a lena a go tlo bolela ka molomo wa go ja bogobe ke 16:00 ka Mošupologo wa la 08 June 2026. Ditheetšo tša setšhaba di tla swarelwa inthaneteng ke Komiti yeo e Hlaotšwego ya Kabo ya Matlotlo ka Laboraro la 10 June 2026 ka 09:00.

Ditšhišinyo di ka lebišwa go Bongwaledi wa Komiti e lego, Mna Lubabalo Nodada: 083 412 1526, [lnodada@parliament.gov.za](mailto:lnodada@parliament.gov.za) goba Mdi Estelle Grunewald: 071 363 2257, [egrunewald@parliament.gov.za](mailto:egrunewald@parliament.gov.za). Dikhophi tša Molaokakanywa di hwetšagala go [www.treasury.gov.za](http://www.treasury.gov.za) goba [www.parliament.gov.za](http://www.parliament.gov.za)

Taletšo e tla ka: Mohl T I Legwase, LP, Modulasetulo: Komiti yeo e Hlaotšwego ya Kabo ya Matlotlo (Lekgotla la Bosetšhaba la Diprofense).